

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫০৮২  
আগরতলা, ৫ মার্চ, ২০২৪

৪২তম আগরতলা বইমেলা

**সলিল কৃষ্ণ দেববর্মণ স্মৃতি পুরস্কার পেলেন বিকচ চৌধুরী  
কালীকিংকর দেববর্মা স্মৃতি পুরস্কার পেয়েছেন কণিকা দেববর্মা**

৪২তম আগরতলা বইমেলা উপলক্ষে সমাজের বিভিন্ন ক্ষেত্রে কৃতী ব্যক্তিদের আজ বইমেলার সমাপ্তি অনুষ্ঠানে পুরস্কৃত করা হয়। এবার সলিল কৃষ্ণ দেববর্মণ স্মৃতি পুরস্কার পেলেন বিকচ চৌধুরী, কালীকিংকর দেববর্মা স্মৃতি পুরস্কার পেয়েছেন কণিকা দেববর্মা, ধীরেন্দ্র কৃষ্ণ দেববর্মণ স্মৃতি পুরস্কার পেয়েছেন প্রদীপ চক্রবর্তী, ত্রিপুরেশ মজুমদার স্মৃতি পুরস্কার পেয়েছেন মমতা সিংহরায়, লালন পুরস্কার পেয়েছেন বলাকা দে মজুমদার, ভীমদেব ভট্টাচার্য স্মৃতি পুরস্কার পেয়েছেন অসিত দেববর্মা, ককবরকে ছোট গল্প কক খান্তাই-এর জন্য তাকে এই পুরস্কার দেওয়া হয়েছে। রাধামোহন ঠাকুর স্মৃতি পুরস্কার দেওয়া হয়েছে প্রেরেন্ট পাবলিকেশনকে। বাংলা ভাষায় শ্রেষ্ঠ প্রকাশনার জন্য এই পুরস্কার দেওয়া হয়। অভিজিৎ দেবের ‘সত্য ও অসত্য- বীর সাভারকার’ শীর্ষক বইটি প্রকাশনার জন্য প্রেরেন্ট পাবলিকেশন এই পুরস্কার পেয়েছে। দৌলত আহমেদ স্মৃতি পুরস্কার পেয়েছে সংহতি পুস্তকালয়। ককবরক ভাষায় শ্রেষ্ঠ প্রকাশনার জন্য এই পুরস্কার দেওয়া হয়। রবীন্দ্র কিশোর দেববর্মার ককবরকে ‘চানক্য শ্লোক’ প্রকাশের জন্য সংহতি পুস্তকালয়কে এই পুরস্কার দেওয়া হয়েছে। অন্যান্য সংখ্যালঘু ভাষায় (বাংলা ও ককবরক ভাষা ব্যতীত) শ্রেষ্ঠ প্রকাশনার পুরস্কার পেয়েছে মণিপুর সাহিত্য পরিষদ, ত্রিপুরা শাখা। এন দিলীপ কুমার সিংহ রচিত লইরি লাঁদি থম্মোয়ানুংদা বইটি প্রকাশের জন্য মণিপুর সাহিত্য পরিষদ, ত্রিপুরা শাখা এই পুরস্কার পেয়েছে। শ্রেষ্ঠ লিটল ম্যাগাজিনের পুরস্কার পেয়েছে পূর্ব মেঘ (কথা ও সাহিত্য সংখ্যা ২-এর জন্য)।

সত্যরাম রিয়াৎ স্মৃতি পুরস্কার পেয়েছেন অনুপম কর। অশ্বিনী বিশ্বাস স্মৃতি পুরস্কার পেয়েছেন ড. অনিবাগ বিশ্বাস। সুমঙ্গল সেন স্মৃতি পুরস্কার পেয়েছেন জয়দীপ আচার্য। অজিত মজুমদার স্মৃতি পুরস্কার পেয়েছেন সুব্রত চক্রবর্তী (বুবাই)। ৪২তম আগরতলা বইমেলার সমাপ্তি অনুষ্ঠানে তাদের হাতে অতিথিগণ পুরস্কার তুলে দেন। সলিল কৃষ্ণ দেববর্মণ স্মৃতি পুরস্কার প্রাপক বিকচ চৌধুরী ও কালীকিংকর দেববর্মা স্মৃতি পুরস্কার প্রাপক কণিকা দেববর্মার পরিবারের পক্ষ থেকে প্রতিনিধিরা পুরস্কার গ্রহণ করেন।

\*\*\*\*\*